



Phase Ruu Eureuren Suksefan Aninisin Ponuwen Kapas Ais (FAQs)

Chon Omwokutu Ekkewe Sakopaten Nenien Kukunou ika Apwapwa mei nomw Non me Nukun imw (*Ekkesiwin 9-2-2020*)

Menapan

Ekkei fan aninisin ponuwen kapas eis (FAQ) fan iten an Oregon Health Authority (OHA) we Kapasen Ourour: Ren Suuksefanin Ekkewe Nenien Urumwot Non me Nukun non ei Oruwen Kinikin (ourour fan iten [Mokutun Non me Nukun Ekkewe Neni](#)). OHA a awora ekkei ponuwen kapas (FAQ), iwe mei tongeni mwitir ekkesiwin ponuwen kapas eis (FAQ), eis an epwe anisi aramas repwe weweiti ewe ourour, ponuweni an stakeholder kapas eis, me pwan afata ifa usun ewe ourour nupwen epwe wor met epwe fis. Ekkei FAQs resapw siwini ewe ourour, nge repwe fen awewei, awora, me anisi met amasowen tichikin ewe ourour. Ourour fan iten [Mokutun Non me Nukun Ekkewe Neni](#) Nenien Kukunou Apwapwa Non me Nukun me pwan FAQs a weneiti ekkewe kukun sopw ra mumuta ngenir ar repwene suuksefan non ei Oruwen Kinikin Suuksefa

Q1: Ekkewe mwesinin kukunou me pwan ewe urumwoten laser tag ra mumuta ngenir non ei Oruwen Kinikin Suuksefan 2?

A1: Ewer. Kataon ewe ourour fan iten [Mokutun Non me Nukun Ekkewe Neni](#) fan iten met angang mei menei ren omwokutun me angangen enimenima ewe neni. Tettenin sokkun mwokutukut mei mumuta mei nomw non ewe [Aninis faniten Suuk sefan](#).

Q2: Ekkewe imwen ar repwe mwet won me ekkewe urumwoten non gym ra mumuta non ei Oruwen Kinikin suuksefan?

A2: Apw. Ekkei sokkun nenien kukunou ese mwo mumuta ngenir ar repwe suk non ei atun. Tettenin sokkun mwokutukut mei mumuta mei nomw non ewe [Aninis faniten Suuk sefan](#).

Q3: Met ourour ren nimenimen ekkewe nenien pwomeni masowen non kachito nefinen ew me ew ekkewe pwom epwe fis?

A3: Ekkewe chon omwokutu ekkewe theater repwe enimenima me nimeti monun paikin non ekkewe neni arams mei soun nomw ian me pwan neni aramas mei soun attapa — pachenong ekkewe sea me chepen — me murin ika me mwen epwe poputa pwan ew pwom. Ekkewe chon omwokutu ekkewe nenien theater repwe pwan nimetochuw non ekkewe imwen ngaseno fan ru non ew ran, pwan achochongeni epwe naf nimeniman me ekewe pisekin nieno paikin epwe kaor (sopw, churukami, hand sanitizer) non unusen ewe ran. Aea nimenimen nieno

paikin mei pachenong non noun [Environmental Protection Agency \(EPA\)](#) iwe [tettenin iten ekkewe pisekin enimenim](#) fan iten coronavirus SARS-CoV-2 virus ewe mei forata COVID-19. Ese mo wor pisekin nimenim mei mak COVID-19, nge mei wor pisekin nimenim mei afat ika porousan epwe nom won ar website ren usun aean me ochun aean nieno ewe coronavirus mei fetan seni aramas.

Q4: Met sokkun ourour mei wor fan iten angangen tour won ekkewe bus sein tour?

A4: Ekkewe chon omwokutu ekkewe nenien tour repwe fiti met masowen ewe [Tichikin Kapasen Ourour fan iten Ekkewe Transit Agency](#) me pwan [Oruwen Kinikinin Kapasen Ourour fan iten Nenien Kukunouw Apwapwa mei nomw Non me Nukun](#). Towaw fesen non ukkukun unungat (3) fit epwe ponuweta nefinen ekkewe pasise won ewe wa. Towaw fesen non ukkukun onuw (6) fit epwe ponuweta nefinen ewe chon uwei ekkewe wa me ekkewe pasise, me nukun chok fansoun repwe tota me fansoun repwe awora aninis ngeni ekkewe ir mei nomw won war sein mwokutukut fetan. Iokewe aramas chon tour ir chon ew mwich ir mei tongeni ar repwe momot kukkun seni unungat (3) fit towaw fesenin nefiner. Ekkewe chon omwokutu ekkewe sein tour repwe enimenima ekkewe bus iteiten ruanu awa me pwan nefinen mwicheichen chon tour, nge epwe akkaewin ngeni ekkewe kinikinin won ewe wa aramas mei soun attapa. Ekkewe chon uwei ekkewe wa me chon fiti repwe aea ekkewe pwonupwonun maas fiti ngeni met masowen [an Unusen State Kapasen Ourour fan iten Pwonupwonun Aaw me Pwot, Eppeting Maas, Pwonupwonun Maas](#). Ekkewe chon omwokutu ekkewe sein tour repwe eukuku an epwe wor sai ngeni chok met masowen an Kepina we Otutun.

Q5: A mumuta ngeni ekkewe nenien etto katon apwapwa won oris nukun non ei Oruwen Kinikin?

A5: Ewer. Ekkewe chon omwokutu kokotun ekkei sokkun apwapwa repwe fiti masowen ewe [Oruwen Kinikinin Suuksefan Kapasen Ourour fan iten – Nenien Ekkoch Mwokutukut](#). Ekkewe chon omwokutut ekkei sokkun apwapwa repwe eukuku ukukun chochon aramas non ew neni ngeni 100 aramas repwe nomw non ika 250 aramas repwe nomw nukun, esapw nap seni 250 chon nomw non me nukun; ika ewe ukukun aramas, mei pachenong chon angang, anongonong won ukukun aramas repwe tongeni nomw non ewe neni (square fit/chochon), ika ifan koukun an epwe chokukun. [OHA we Kapasen Ourour ren Emwicheich](#).

Q6: A mumuta an ekkewe amusement park repwene suuk non ei Oruwen Kinikin? Ikefa ekkewe ourour fan iten nimenimen ekkewe amusement park?

A6: Ewer, ika pwe epwe fiti ngeni masowen ewe [Oruwen Kinikinin Kapasen Ourour fan iten Ekkewe Nenien Kunou Apwapwa Non me Nukun](#). Ekkewe chon omwokutu kokotun ekkewe amusement park repwe eukuku ukukun chochon aramas non ewe neni ngeni 100 aramas repwe nomw non ika 250 aramas repwe nomw nukun, esapw nap seni 250 chon nomw non me nukun; ika ewe ukukun aramas, mei pachenong chon angang, anongonong won ukukun aramas repwe tongeni nomw non ewe neni (square fit/chochon), ika ifan koukun an epwe chokukun. Ika epwe tufich, ekkewe chon omwokutu kokotun ewe neni repwe

awora emon epwe wisen etiwonong ika tumwunuw fetanin chon chuuto non ewe neni me pwan nenengeni ewe koukun towawen nefinen aramas fansoun ar utiwiit non nain, me pwan ar tonong me tou seni ewe neni. Nengeni masowen ewe ourour ren oruwen kinikinin suuksefan fan iten [Mokutun Non me Nukun Ekkewe Neni](#) ren tichikin angangen enimenim epwe ponuweta.

Q7: Ekkewe nenien ameme sakkopaten chungga/nenien pwarano sokkun chungga re nomw non tetenin museum ika sitowa?

A7: Ekkewe nenien amomo chungga repwe fiti met ourour fan iten ekkewe [sitowa](#). Ekkewe nenien amomo chungga re wisen okkota kokotun ewe metoch repwe fiti met masowen ewe [Ourour fan iten Ekkewe Neni me Ekkoch Mwokutukut](#).

Q8: Ika pwe ew nenien katon kachito mei wor fitu kinikin, nenien katon kachito non, ewe koukun chochon repwe nomw no epwe kouk (100 aramas ika pwan ew nampa me nukun ena anongonong won koukun chochon repwe tongeni nomw) non ew me ew ekkewe rumwen katon kachito ika unusen ewe neni?

A8: Ekkewe chon omwokutu ekkewe nenien katon kachito repwe fiti met masowen ewe [Ourour fan iten Ekkewe Neni me Ekkoch Mwokutukut](#). Ekkewe chon omwokutu ekkewe imwen kachito repwe eimwufeseni meinisin mwokutukut mei fis non chok ew fansoun nge mei imwufesen ian repwe fis ian me non ewe neni. Chon eto fiti/chon nomw non ew me ew ekkewe kinikinin non ewe neni non ew chok fansoun resapw nomw fengen non ew neni, pachenong ekkewe imwen ngaseno.

Q9: Ekkewe Hookah bar ir mei kesipeno fan nurun an Kepina we Otutun 20-27. Inet epwe mumuta ngenir ar repwe tongeni suuksefan?

A9: Non ei atun, ekkewe hookah bar ese mwo mumuta ngenir ar repwe suuk non ei state, pachenong ekkewe kukun sopw ir mi nomw non Ewin ika Oruwen Kinikinin suuksefan.

Q10: A mumuta ngeni ekkewe jet boat ar repwe fori ar angang non ei kinikinin, ren Ewin ika Oruwen Kinikin?

A10: Ewer, ekkewe jet boat a mumuta ngenir ar repwene fori ar angang non ei, kinikinin, ren Ewin me Oruwen Kinikinin Suuksefan non ekkewe kukun sopw. Ekkewe Kastomer me chon angang repwe awora ukkukun onuw (6) fit towawen nefinen emon me emon fansoun meinisin [Kapasen Ourour fan iten Pwonupwonun Aaw me Pwot me Pwonupwonun Maas non unusen ei State](#). Won ekkewe kukun sopw non ei Oruwen Kinikin, ekkewe chon uwei ekkewe jet boat ir mei tongeni repwe awora refirefin nenier kewe, ren plexiglass, an epwe ekkesiwini ewe koukun onuw (6) fit towawen nefinen aramas. Ewe refiref esapw-tongeni tonong chèchèn non, mecheres ne nimeti, epwe ew (1) fit tekian seni asen mokuren aramas me pwan ukukun unungat (3) fit cheen ika taman ika pwe ewe kinikinin nenien momot mei watte seni unungat (3) fit. Ekkewe plexiglass (ekke kinas mei sakopat onuwan) ika ekkoch sokkun anen refiref mei eppet an asepan ika konik repwe tikenong resapw ekkesiwini ika siwini ar repwe fiti ngeni met masowen ewe ourour ren pwonupwonun aaw me pwot, epetin won maas, ika

pwonupwonun won maas usun met mei affat non an [Kapasen Ourour fan iten Pwonupwonun Aaw me Pwot me Pwonupwonun Maas non unusen ei State](#).

Q11: Mei sakofesen koukun chochon aramas ren mettoch mei fis non me nukun. Ifan awewen ei fos “neni nukun” me non ewe [Orour Ngeni Ekkewe Chon Omwokutu Ekkewe Nenien Kukunwou Non me Nukun non Phase Ruu?](#)

A11: Non ei [Ourour Ngeni Ekkewe Chon Omwokutu Ekkewe Nenien Kukunouw me Apwapwa non ei Phase Ruu](#), “neni nukun” wewen ew neni mei-sukuno mei wor ekis imweimwan tento ika osun, nge koukun ewe neni esapw kukun seni 75% ren square foot mei chok sukuno ngeni fetanin asepan.

Toureochun taropwe: Ren ekkewe aramas mi wor osupwangen an inisir tongeni ika aramas rese sinei fosun Merika, OHA mi tongeni awora taropwe non ew sokkun nikinik ar repwe weweiti, awewe ren fosun ekis, epwe mesemong ekkewe mak, ika non nikinikin noun mei chuun. Kokori Mavel Morales won nampa 1-844-882-7889, 711 TTY ika mak ngeni won OHA.ADAModifications@dhsosha.state.or.us.